

### OTJEG AG OÖGETJITJG.

Gôgoei oetji liaseni Gtjinisgam otji ag oögetjijg? 'Maltjeoetj elegeoittij-itj posgi pipanigesis.' Telogetjijg? Gisi epgoatoan gagi nepaleg mset tan tsesitj ogsitgamog eig.'

Neogteljtjgeg nagoeg matentimges ola elegeoittijitj oesemogoaas Glapis gispencet elsemasit magamigeg atlasemit nipogtog ag semtog nepas. Neogteljtjilittel tanel getantjel nemisepen ag elietel gigtjio eig ogtjilt natji nepagon Semtog ogtjel metetôgesilitjel togomtjel tagamatj ogtespôgasegem ag nepatel oegela getantjel. Tôgo aptj elliasit gonteo teogtjalgeg me oitjei nepogtog. Negela oelagoeg oogoetjijt apiatôgsep gaganeg gonteo teotjalgeg. Taposilitjij getantji pegisniltji ag elegeoittijitj notoatji etleögelitji ag getjiatji gollagon. 'Angarten!' neogtetjilt teloet, miamotj eig ola gonteoteogtjalgeg. Môgoa ma oen gisi eimog.' oitapal telimttjel. 'Nemiton öög-oetjijtoapi mestapit. Oen samtesgoatj nisielis.

Tan totjio oegela tapositjijg etj'gelatitij, elegeoittitj ogsapigonit ag teloet: 'O Nisgam, tali mioaloltes! Oelagoeg ootj oestaaitoip nmimatjoaganen nige oelaog oögoetjijtj.'

Teliagsep tan teseg gôgoei ne.niteng tlia aptjetij ag mogoaa gôgoenog ntagitasoaganeg gato gil egpiteng mesgig Môgoa gôgoei gisitôgsep ogtjit seg.

Gisigo Sôsep Pigeil listogotjijg lôg gisigoit nige, tetotjeg 83, ogsitgamois ôgo sonmingeoei tepgenoset 24 iteg 1824. Tôgo otepite mel Mali Agleög 76; ogsitgamois geget gagietaag nepgigeoittijeg 1831. Pigoelnitji otjijtjoa ag pitoi otjijtjoa 89 tsesisgessilitji. Gis sag notji ntôg alasotmôgoömg 58 tsepungeg ag pegitji nigani ntôg. Gis ponatôg nigani ntemgeoei ag Nigola Selöm lno sagmao napponeoatjil, lôg pa netaoagatôg; elp Oelliöm Pigieli ag Piel Metalig getel pa netaoi ntôg; elp notji ntôg Plansoe Toma, Oelliöm Gappoin, Etoel Gonteo ag gtegis; tanig tjtijjoagatj natji gtapegiatitjijg. Ag lôg oles me pigoelgig otlôltimeo, gisitlôltimeo ôgo; ag teli poatasig ola mao gelolag ag mesgig alasotmôgoömg gonteoigan.

### ASITEOIGIGEMGOEI

A. T. Tusket.—Ansema oeiag mset, tôgo Stephen Bartlott gisi toalgatôg soluaktijitj.

S. T. oagemetgoga.—Gisolg oleiatj tesilitji.

P. G. Palao lnoi menigog sagmao lsil-

pogtog.—Mesnemep neogtagig ag moi-oaloi.

Amsgoesoei malpaleoit tan eliet !goatnogeoei lnoegatig ogtelôoam lnoa netua Sag P. Rymer natami 1800 maiff telpesog, teloisig Oli Sgipesingoei—Chatham Wold.

### SAPEOINOSGO ELEN.

Ola na sapeoinosgo tan oetjijtôgôs getleoei goltjioeie. Maoi olmetôg elegeoisgo. Gesalatel Genisgaminal ag egsas gisi nemiton igatagan tan tamf eimililisa ag tan etli npelisena gess ogsitgamog eimelitga.

Ola sapeoig magamigeo geneg eteg tan negem eiga, ag oegela nagoegel môgoa aogtjil geloltenogol gisna oentjijôom etenog. Geftôgôs na ogtelegeoisgôoina gato me siaoi anlapsit. Ag angitetg ogtilfena. Genisgamino nelatoas ogesaltimgeoeim ogtijt oetjitolin ola getleoei goltjioeie tan etli gag'goniagaseneg omaltemeg. Gesnogotijijg gisi npsolitipenig paseg samatotjij ola goltjioeiea. Sapeoinosgo Elen gesitjio mesgig alasotmôgoömg tôgo lamigoömg na ola goltjioeie gagamig.

Gsatmotigop gogonmog goltjioeie gigtjio eimogo, gisna nasgemogop golan nigoitetemogop Genisgamino npegeg.

GTAGAMGOG. Nigola Gietôl telofiget. Miaopogeg agesigos 3 08 (mset tjinemog gtagamgog). Notjinen, nigetj etamoleg gisi saliteoegoeinen otjijt somalgitj tasegel me otjijt mesgig alasotmôgoömg elitasis miaopogeg petjilil olmetôg gogomitjijno Sent Ann oiga, oeamoleg gnetogoinen otjijt gino migmaotigo mo lnim gteli eltogsigtemaneno aglasieoigtog, otjijt me atgig mesnemeg maligimting ag tan teseg solleoeia, gato môgoe atjgenitetemeg, meta negem petjilil sapeoit Sesos maligimtingeoeigtog eli sapasis negela getoi osetaolgoega. Lôg notjinen gesi atjijptjolneg gteltaoiginen gôgmanag migmag listogotjijg ag tanig tepôo teltlagatemotitjijg. Sagepgoeigogs pgôtamgietj msagenatasiteo lampôga ag elt golpho lôgetagen gematasiteo, nige gis tan teseg gôgoei gegonemeg, môgoe tetoenog, oelamogeieg ansema teloemeg Sesos teli eolitelminameg ignemoinameg ngagi apangetemenen tan gis msenasig gôgoeia.

Asite oigiget patlias. Lôg pa olitasieg mset tami maototjis lnoegatig somalgitj tan pgitnemootis gogomitjijal Sent Annala.

Adress: Nicholas Jeddore, St. Anne at Conn. River, Bay Despoir, Nfld.